



O le Auauna Atu i o Tatou Uso a Tagata Malaga

“Fesoasoani i e vaivai, sii i luga lima ua tautau i lalo, ma faamalosi tulivae ua vaivai” (Mataupu Faavae ma Feagaiga 81:5)

**Peresitene Thomas S. Monson:
O se Faataitaiga o le Auauna
Atu**

**Matua na valaauina ai o se epikopo: 22
Numera o tagata o le uarota: e silia i le 1,000
Numera o fafine ua oti a latou tane i lana
uarota: 85**

Na faasoa mai e Elder Jeffrey R. Holland o le Korama a Aposetolo e Toasefulu-lua le auala na taulima ai e Epikopo Monson ia fafine ua oti a latou tane: “E toatele e mafai ona iloaina o le Epikopo talavou o Monson na ia aveina se vaiaso mai ana aso malolo patino i vaitau taitasi o le Kerisimasi e asiasi atu ai i na fafine uma e toa valusefulu ma le lima ua malilili a latou tane o lana uarota. E toatele atonu latou te le iloia, mo nai tausaga muamua, o le meaalofo na te aveina atu ia i latou o se . . . moa na ia tausia ma saunia e ia lava mo le kukaina mai lana fale moa.”¹

Na manatua e Epikopo Monson lona fesoasoani i se ulugalii matutua o e na manaomia ona vali lo la fale: “I se taimi o musumusuga sa ou valaau atu ai, e le o le korama a toeaina po o ni volenitia e aumai ni pulumu vali, ae, nai lo o lena, na mulimuli i le tusitaulima o le uelefea, i tagata o le aiga sa nonofo i isi eria. E toafa atalii faaetulafono ma afafine e toafa sa tofu ma pulumu ma auai i le galuega faatino.”² O lenei musumusuga na fesoasoani ai i le aiga e toefesootai ma fetausiai lelei ai le tasi ma le isi.

“E le mafai ona tatou alolofa moni i le Atua pe afai tatou te le alolofa i ē o loo tatou malaga faatasi i lenei faigamalaga o le olaga.”³—Peresitene Thomas S. Monson

FAAMATALAGA

1. Jeffrey R. Holland, “President Thomas S. Monson: Man of Action, Man of Faith, Always ‘on the Lord’s Errand,’” *Ensign*, Feb. 1986, 12–13.
2. Thomas S. Monson, “The Bishop—Center Stage in Welfare,” *Ensign*, Nov. 1980, 89.
3. Thomas S. Monson, “Alofa—o le Ute o le Talalelei,” *Liahona*, Me 2014, 91.

